

DIARIENUMMER: UN-267/2017
FASTSTÄLLD: 2017-12-04
SENAST REVIDERAD: 2018-06-12
GILTIG FRÅN: 2018-07-01
GILTIG TILL: tills vidare

Regularija/pravilija

*Regularija hem takse baši angliškola hem
slobodno aktivitetiengoro kher*

Bildningsnämnden



HERRLJUNGA KOMMUN

Våga vilja växa!

Soisibe

Angliškola.....	2
Generalno angliškola	2
Slobodno aktvitetengor kher	2
Arakhibe ko nakomotno butikeribaskoro vreme	3
Rodibe (molba).....	3
Javer komuna.....	3
Redo.....	3
Redoskoro vreme.....	3
Nudibe hem placiribe	4
Introdukcija.....	5
Javera buča.....	5
Mukhibe o than.....	5
Takse	6

Angliškola

Than ki angliškola nudinela pe keda e čhave ovela jek berš pa si dži kote te le te džal ko angleškolakoro klasi. Isi štar javera fundamentija/osnove bašo pravo te lel pe than ki angliškola.

1. O staritelija kerena buti ja pale studirinena

E čhavage dela pe than odoborom but kobor so trebela e staritelenge vreme te oven ko plo bučakoro than ja pale školujbe, drumoskoro vreme hem bašo okova vreme te kerdža pe buti račate. E studentenge nudinela pe osim vreme bašo predavanje hem vreme bašo studiribe diveskoro ko obično dive.

2. E čhave/čhaja isi ple potreba baš e familijakiri situacija ja pale trebela oleske/olake specijalno dumodejbe ko oleskoro/olakoro angledžajbe

E angloškolakoro šefi ka dikhel, dokumentirinel hem ka anel rešenje bašo eventualno placiribe (dejbe than) hem kobor vreme ka del pe. Jek rešenje bašo asavko placiribe ki angliškola važinela najviše jek berš hem palo odova pale kerela pe buti odolea.

3. O staritelija lele dajengoro-dadengoro ačhojbekhere javere čhaveske

O placiribe činavel (rešinela) pe taro e angleškolakoro šefi, bašo asavko vreme so ka del e čhaveske najšukar šajipa bašo angledžajbe hem sikljojbe. O vreme i 15 sahatija ko kurko.

4. O staritelija i bibučakoro

O placiribe činavela pe taro angleškolakoro šefi bašo asavko vreme so ka del e čhaveske najšukar šajipe bašo angledžajbe hem sikljojbe. O vreme i 15 sahatija ko kurko. E staritelen isi pravo te mukhen poviše vreme othe kaj te šaj ko primer te džan ko jek bučakoro intervju.

Generalno angliškola

Generalno angliškola dela pe sa e čhavage taro anglojevendaskoro termini keda o čhavo pherela 3 berša hem tegani dela pe bilovengoro (bizi taksa) 525 sahatija ko berš, a odova ikljola 15 sahatija ko kurko. Isi angleder ande vremija so šaj te birinen pe hem manuš šaj te phandel ple lafija e angleškolakere personaleja kaj te šaj te del pe e čhaveske najšukar šajipa bašo angledžajbe hem sikljojbe. Palo odova registririna pe o vremija ko E- tjänst förskola/fritidshem ki komunakiri internet starna. O vreme bašo prisustvo ovela palo školakoro sikljobaskere beršeskere vremena.

O čhave so isi olen than (placiribe) palo e staritelengiri buti ja pale studiribe tegani ola platinena pohari taksa taro avgust masek pa sa džikote te pheren 3 berša. Ko juni, juli hem avgust masek platinela pe normalno taksa.

Slobodno aktivitetengor kher

Slobodno aktivitetengoro kher nudinela pe čhavage taro avgust masek keda lela te džal ko angleškolakoro klasi pa sa dži ko anglonaleskoro termini keda o čhavo pherela 13 berša. Isi štar javera fundamentija/osnove bašo pravo te lel pe than ko slobodno aktivitetengoro kher:

1. O staritelija kerena buti ja pale studirinena

E sikljovneske (učenikoske) dela pe than odoborom but kobor so trebela e staritelenge vreme te oven ko plo bučakoro than ja pale školujbe, drumoskoro vreme hem bašo okova vreme te kerdža pe buti račate. E studentenge nudinela pe osim vreme bašo predavanje hem vreme bašo studiribe diveskoro ko obično dive.

2. **E sikljovne isi ple potreba baš e familijakiri situacija ja pale trebela oleske specijalno dumodejbe ko oleskoro angledžajbe**

O direktori ka dikhel , dokumentirinel hem ka anel rešenje bašo eventualno placiribe (dejbe than) hem kobar vreme ka del pe. Jek rešenje bašo asavko placiribe ko slobodno aktivitengoro kher važinela najviše jek berš hem palo odova pale kerela pe pale buti odolea.

3. **Garantirimo than**

O sikljovne kaskere daja-dada i bizo buti, palo rodibe, isi olen šajipe te del pe olenge jek "garantirimo than". Tegani debitirinel pe jek diveskiri taksa soj 1/20 tari maksimalno taksa bašo sakova koristimo dive.

4. **Ferijakoro than**

Ferijakoro than nudinela pe e siljovnenge so isi olen taro 6 dži ko 13 berša keda isi olen ferija ja pale bašo studiribaskere divesa. Tegani debitirinel pe jek diveskiri taksa soj 1/20 tari maksimalno taksa bašo sakova koristimo dive.

Odoja buti nudinela pe ki odoja osnovno (fundamentalno) škola kori so o sikljovno džala ki škola.

Arakhibe ko nakomotno butikeribaskoro vreme

O regularija hem formularija bašo čhavengoro arakhibe ko nakomotno butikeribaskoro vreme isi ko www.herrljunga.se hem ko Bildningskontoret.

Arakhibe ko nakomotno vreme nudinela pe samo ki Herrljunga komuna. Than šaj dela pe ko odova kotor (odelenje) kori so o čhavo i placirimo ama na avri tari Herrljunga komuna.

Rodibe (molba)

Rodibe bašo than kerela pe E-servizeja angliškola hem slobodno aktivitetiengoro kher (E-tjänst förskola och fritidshem) ko kherutno webbthan ki Herrljunga komuna. Manuš šaj čhivela e čhave ko redo keda manuš mangela ama e adžikeribaskoro redo ovela najviše 6 masekija angleder te del pe o rodimo placiribaskoro than.

Javer komuna

E čhaveskoro stariteli te manglja than ki jek javer komuna tegani odova i o stariteli so rodela korkori odova.

Redo

O rodareske (manuš so rodela) čim ovela džigde mukhlo than - dela pe oleske odova, ama najkasno štar masek palo rodibaskoro datum.

Redoskoro vreme

- Na aktivno placiribe (dejbe than) baše thaneskiri garancija (važinela samo ko placiribe ko avgust/septembar*)
- Rodibe than e čhavage so isi olen specialno dumodejbe
- Rodibe bašo menibe čhavengoro arakhibaskoro than (o čhijbe ko javer than ovela samo ko avgust/septembar)

- Rodibe than bašo čhave kaskere daja-dada kerena buti, studirinena, rodena buti ja pale i stariteliya sar daja-dada soj khere hem arakhena čhaven hem baši generalno angliškola
- Rodibe than e čhavage soj registririme ki javer komuna

O stariteli te na odgovorindža bašo jek thaneskiri ponuda hem uzal odova so bičhaldža pe podsetibe, tegani cidela pe palal o than hem trebela te kerel pe jek nevo rodibe ko E-tjänst förskola/fritidshem ko webbthan ki Herrljunga komuna.

*)Thaneskiri garancija nudinela pe sa e staritelenge so na mangena olengere čhave te oven ki angliškola keda ola i khere hem arakhena e potikne čhaven. O than garantirinela pe ki isto angliškola keda o daja-dada nane buteder khere e čhavea. I garancija važinela samo bašo placiribe ko avgust/septembar masek hem o ačhojbe khere trebela te ovel minimalno 6 masekija.

Nudibe hem placiribe

Keda jek stariteli prijavindža kaj trebela oleske than ko disave taro akala butikeribaskere thana so ovena dolde taro akava regulari, tegani ka nudinel pe than najkasno štare masekonge. Keda i ko pučibe slobodno aktivitetiengoro kher othe nudinela pe than čim manuš mukhela o rodibe ja pale keda manuš mangela than.

E stariteleske nudinela pe o than bičhalindor oleske/olake mail ja pale ljlil.

Tle čhaveske šaj nudunela pe than ki angliškola ko disavo kotor (odelenje) so tu na rodindžan. Te na akceptirindžan odova than so nudinela pe tuke tu te mangljan šaj te vakere na hem te terdžove pale ko redo. Tegani ovela jek nevo adžikeribaskoro redo taro štar masekija. Isi šajipa hem te vakere oja/po bašo than hem te terdžol pe ko premestibaskoro redo bašo odola thana so pišindžan ko rodibe. O premestibe ovela ko avgust masek.

I introdukcija so ovela keda i nilajeskoro phandibe, ovela najrano ko 32 –to kurko hem keda i o božikoskoro hem nevoberšeskoro prazniko, odova ovela najrano ko jekto butikeribaskoro dive palo 6/1.

O stariteliya i dužna te informirinen e Herrljunga komuna te ule disave javeripa ki familijarno relacija, lejbelove hem javera buča so uticinena ko preduslovija bašo lejbe than ja pale arakhibe.

Ko placiribaskoro vreme khuvela e butikeribaskoro ja pale studiribaskoro vreme, drumoskoro vreme dži ki buti ja pale studie a isto adžahar o mukhibe hem o lejbe. E placiribaskoro vreme odlučinela pe ko zavisnost taro staritelengiri zaedničko arakhibaskiri potreba.

Keda o čhavo meninela e bešibaskoro than tegani isi e čhave pravo bašo arakhibe ko zavisnost taro staritelengiri potreba arakhibaske.

Jekhe čhave nane pravo ko angloškolakoro than ko duj javera angloškole.

E čhaveskoro/sikljovneskoro ovibaskoro vreme uvek ka ovel čhivdo ki šema. E čhaveskoro/sikljovnenskoro ovibe ki angliškola ja pale ko slobodno aktivitetiengoro kher ovela ko odova vreme keda o stariteliya kerena buti ja pale studirinena, ko odova khuvela o vreme bašo drumo, mukhibe hem lejbe.

Tej o stariteli nasvalo buteder vreme tegani o čhavo/sikljovno šaj te ovel mukhlo palo lafiphanibe e angloškolakere šefeja/direktoreja.

Keda lena pe khamnipaskere love o čhavo šaj mukhela pe sar soj ki šema.

Introdukcija

Keda dela pe than ki angliškola tegani i važno te ovel e čhave jek šukar starti. Računinela pe kaj i introdukcija šaj te lel jek duj kurke, a tegani i važno tu sar starieli te ove ki introdukcija.

Javera buča

O angloškole hem o slobodno aktivitetengere khera ikerena phravdo taro ponedelniko dži ko petko 06 – 18 sahati. Ko početko hem ko krajo taro dive ovela zaedničko buti mažkar o odejenja hem olengere buča, tegani šaj o čhave te meninen o odejenje.

O angloškole hem o slobodno aktivitetengere khera isi olen pravo te phanden i buti keda planirinena hem barakerena pumari buti, odova šaj kerena najviše duj dive ko jek termini. Ola planirinena pe te oven so paše so šaj e osnovno školakere studiribaskere divencar.

Te trebindža isi manuša so kerena dežurno ko studiribaskere divesa.

Ki Herrljunga komuna o angloškole hem o slobodno aktivitetengere khera i phanle sakova berš ko 28 dži ko 31 kurko. Ama ki Herrljunga isi uvek thana kori so isi dežurno so kerena buti ko odola kurke. I angloškola hem o slobodno aktivitetengoro kher Mörlanda i dežurna ko kurke 28 hem 31.

O dežurno odelenja i phravde e familijenge kori so solduj staritelija kerena buti. Te menindže pe e phandibaskere kurke ko disavo berš tegani odova informirinela pe but angleder o nilaj.

Keda manuše isi odmor ja pale javer slobodno vreme tari buti/studiribe šaj te koristinel pe o than ko čhavengoro arakhibe disave divesa.

Mukhibe o than

Te mukhlja pe o than tegni manuš trebela te prijavinel duj masekija angleder te čhinafel pe odova. O mukhibe kerela pe ko "E-tjänst förskola och fritidshem" ko komunakoro webbthan. Odole duje masekonge platinela pe i taksa.

E Herrljunga komuna isi pravo te ikalel e čhave tari angloškola ja pale taro slobodno aktivitetengoro kher te nane platimi i taksa ko palune duj masekija ko datum so terdžola.

I Herrljunga komuna šaj te cidel palal o dindo than odolea so otkažinela o placiribe te na koristindža pe palo o lafiphanibaskiri šema 2 masekija.

Takse

I Herrljunga komuna koristinela maksimalno taksa ki angliškola, slobodno aktivitetengoro kher, hem pedagogikano arakhiba kori so debitorinela 12 masek ko berš. Kobor ka koštinel jek placiribe računinela pe taro odova kobor čhave taro jek kher i pišime ki angliškola ja pale ko slobodno aktivitetengoro kher, hem taro odova kobor bruto love khuvana ko jek kher.

Taro avgust masek keda o čhavo pherela trin berš lela te tikhjol i taksa 3/8 bašo jek termini dži ko juli masek keda o čhavo pherela šov berša. Palo odova važinela i taksa bašo slobodno aktivitetengoro kher.

O čhave računinena pe ko redo palo olengere berša, o najtikno čhavo računinela pe sar čhavo jek (1), o angleder o paluno sar čhavo duj (2) thaj adžahar odoreder. Bašo čhavo broj štar (4) na platinela pe disavi taksa.

Nevi maksimalno taksa sakova berš

E lovengoro zaradibaskoro baripe ki maksimalno taksa i indeksirimo hem odova značinela beršeskoro popravibe. I taksa kerela pe palo Parlamenteskoro rešenje baši maksimalno taksa ki angliškola, slobodno aktivitetengoro kher hem pedagogikano arakhibe. E lovengoro zaradibaskoro baripe informirinela pe ko čhavengoro arakhibaskoro fakturengoro odelenje hem ko komunakoro webbtahan www.herrljunga.se.

Angleškolakiri taksa

Kotora čhave	Procenti taro bruto platakere love
Čhavo 1	3 %
Čhavo 2	2 %
Čhavo 3	1 %
Čhavo 4 hem poviše	Bizo taksa

Taksa bašo slobodno aktivitetengoro kher

Kotora čhave	Procenti taro bruto platakere love
Čhavo 1	2 %
Čhavo 2	1 %
Čhavo 3	1 %
Čhavo 4 hem poviše	Avgiftsfria

Taksakoro bičhalibe računi

I taksa računinela pe palo e khereskoro zaradibe love angleder o porezi. Khereskoro zaradibe šaj te ovel jekh korkori daj ja pale dad, prandime ja pale je pari so bešena ki kupa.

Taksa lela pe bašo dogovorimo placiribaskoro vreme (dogovoreskoro vreme) hem ov na meninela pe te ulo disao nasvalipe, feria, odmor ja pale javer odsustvo, ko odova dikhela pe sa jek abonenti (pretplata) so ikerela pe dešuduj (12) masekija ko berš.

O računi baši taksa bičhalela pe sakova masek kori so o platibe i najkasno ko masekoskoro paluno dive.
O računi kerela pe bašo aktuelno masek. Podsetibaskiri taksa hem izvršitelengiri taksa lela pe palo o regulari so važinela. Te na platindža pe o računi ko palune 60 divesa palo paluno platibaskoro datum tegani o čhavo/čhave ovena ikalde.

Ulavdi faktura

Keda i daj hem o dad i ulavde tegani i faktura šaj ulavela pe maškar o staritelija hem sako jek lela plo kotor tari faktura. I faktura računinela pe palo sakova khereskoro lovengoro zaradibe. Ama i sakhedimi taksa na nakhavela e maksimalno taksa bašo jek than. Baši jek ulavdi faktura trebela te roden solduj staritelija, formulari odoleske isi ki Herrljunga komunakoro webbthan hem ko Bildningskontoret.

Taksiribe bazirimo ko lovengoro zaradibe

O taksiribe i bazirimo ko akanutno bruto zaradibe love (angleder o porezi). Akava računinela pe sar zaradibe love:

Plata hem javera primiba tari disavi buti.

Dodatko taro bikibe/kinibe (važinela bašo prifatna firme)

Nasvalipaske love, nasvalipaskiri penzija

Dajengere-dadengere love ačhojbaske khere e čhavencar

Školujbaskere love taro bučakoro kurkeskoro školujbe

Bibučakiri kasa

Familijakere love

Phivli penzija, angledervakteskiri penzija (na čhavengiri penzija)

Khuvdipaskiri penzija (lovedejbe palo jek priznajmo bučakoro khujbe kori so našavena pe love)

Arakhibaskere love e čhavage bašo okova kotor soj sar honorari (ko odova na računinela pe o troškija)

Love bešibe ekvaš ki daj ekvaš ko dad

Familijakere bešibaskere love (o kotor sar honorari)

Drumskere love, vrdaskere love, hajbaskere love (o kotor so čhivela pe porezi)

Prijavibe bašo menibe e zaradibaskere love, placiribaskoro vreme ja pale menibe e fmilijakiri situacija

O stariteli i dužno odma te prijavinel odova so uticinela ki taksa.

Te na mukhlja pe i informacija bašo lovezaradibe tegani **bičhalela pe računi bašo najučiči taksa** palo makstaksa.

O Sakova berš kerela pe love zaradibaskiri kontrola kori so lela pe informacija taro Skattemyndigheten kori so dikhela pe o prijavimo zaradibe love, kori so bičhalela pe naknadno platibaske računi ja pale platinela pe manušeške palal love.

Na platibe taksa Avgiftsbefrielse

Šaj anela pe rešenje bašo naplatibe taksa bašo slobodno aktivitetingoro kher palo Školakoro zakoni (Skollagen 14 kap. 6 §) odova rešinel o direktori hem anela pe nevo rešenje redovno.